




REPUBLICA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORRUPCIJE ANTI-CORRUPTION AGENCY	
Dep. DPKI	Nr Prot. 06/2796/19
Dep. DPKI	Br Prot. 06/2796/19
Nr i faq. 03	Data 31.10.2019
Broj stranica 03	Datum 31.10.2019
Nr. pages 03	Date 31.10.2019
PRISHTINE	



Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI-CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 24 paragrafi 11 dhe 12 të Rregullorës së Punës të Agjencisë kundër Korrupsionit, Drejtori i Agjencisë kundër Korrupsionit me datë 28.10.2019, nxjerr këtë:

V E N D I M

I. Mbyllet rasti me Nr. AKK-06-01-1571/19 për z. Bujar Cakolli, zëvendës Ministër i Ministrisë së Inovacionit dhe Ndërmarrësisë, për shkak se nuk ka prova të mjaftueshme që dëshmojnë situatën e konfliktit të interesit apo mos pajtueshmërisë në ushtrimin e funksionit publik.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur nën dyshimin për konflikt të interesit në ushtrimin e funksionit publik me numër protokollit AKK-06-01-1571/19, ka pasur për trajtim zyrtarin e lartë z. Bujar Cakolli, zëvendës Ministër i Ministrisë së Inovacionit dhe Ndërmarrësisë.

Inicimi i këtij rasti është bërë pas denoncimit nga një palë e tretë, me dyshim për situatë të mundshme të konfliktit të interesit për zyrtarin e lartë gjatë ushtrimit të funksionit publik.

Dyshimi për situatë të konfliktit të interesit, sipas denoncuesit, kishte të bëjë me zyrtarin e lartë z. Bujar Cakolli, zëvendës Ministër i Ministrisë së Inovacionit dhe Ndërmarrësisë, pasi që i njëjti, gjatë ushtrimit të funksionit publik, është emëruar edhe anëtar bordi në Qendrën e Inovacionit në Ferizaj. Sipas denoncuesit kjo qendër është e financuar komplet nga Ministria e Inovacionit dhe Ndërmarrësisë.

Agjencia kundër Korrupsionit lidhur me këtë rast ka zhvilluar procedurën e paraparë për trajtimin e situatave të konfliktit të interesit. Sipas procedurës zyrtarit të lartë z. Bujar Cakolli, i ka dërguar shkresë njoftuese, ku e ka njoftuar për fillimin e shqyrtimit të gjendjes së mundshme të konfliktit të interesit. Pas kësaj z. Bujar Cakolli, ka shprehur interesim për tu informuar me gjerësisht lidhur me rastin e iniciuar për të.

Në kuadër të procedurës së paraparë është organizuar një takim me zyrtarin lartë z. Bujar Cakolli. Gjatë takimit zyrtarët kompetent nga Agjencia kundër Korrupsionit e kanë njoftuar zyrtarin e lartë z. Bujar Cakolli, me situatën për të cilën është iniciuar procedura ndaj tij.

Gjatë takimit zyrtari i lartë, z. Bujar Cakolli, ka dhënë informacione lidhur me themelimin e Qendrës së Inovacionit dhe Ndërmarrësisë në Komunën e Ferizajt.

Ai ka deklaruar se Ministria e Inovacionit dhe Ndërmarrësisë, në kuadër të aktiviteteve dhe planit për vitin 2018, ka planifikuar hapjen e disa Qendrave të Inovacionit, në njërin prej tyre edhe në qytetin e Ferizajt.

Me datën 15.05.2018, Ministri i Ministrisë së Inovacionit dhe Ndërmarrësisë dhe Kryetari i Komunës së Ferizajt kanë nënshkruar një Memorandum mirëkuptimi për financimin e projektit "Qendra e Inovacionit dhe Ndërmarrësisë në Ferizaj".

Me këtë Memorandum parashihet themelimi i një Bordi Ekzekutiv ku parashihet që aty të jetë edhe përfaqësuesi i Ministrisë së Inovacionit dhe Ndërmarrësisë.

Në kuadër të detyrave si zëvendësministër, me vendim zyrtar jam emëruar pjesë e këtij bordi (01 Nr.356/18-18.06.2018).

Sipas deklaratës të z. Bujar Cakolli, pjesëmarrja në bordin e kësaj qendre është në kuadër të aktiviteteve dhe punëve si zëvendësministër i Ministrisë Inovacionit dhe Ndërmarrësisë, për këtë detyrë nuk ka pranuar asnjë kompensim apo pagesë.

Po ashtu bazuar në vendimin Nr.356/18-18.06.2018 për formimin e Bordit Ekzekutiv të Qendrës së Inovacionit dhe Ndërmarrësisë, shihet se ky bord ka për detyrë

që të bëjë përzgjedhjen e menaxhmentit të qendrës, të përgatisë referencat për kompaninë menaxhuese si dhe harton planin investiv të objektit dhe të pajisjeve për funksionalizimin e Qendrës Inovative, bazuar në nenin 6 të Memorandumit të Mirëkuptimit, me nr.157, të datës 18.05.2018.

Sipas nenit 10 pika 1 të Memorandumit të Mirëkuptimit, me nr.157, të datës 18.05.2018 të nënshkruar nga Ministri i Ministrisë së Inovacionit dhe Ndërmarrësisë dhe Kryetari i Komunës së Ferizajt, me pranimin e dorëzimit të punëve të kryera nga operatori ekonomik, ky investim (projekt) do të kalon në pronësi të Komunës së Ferizajt, po ashtu ky investim regjistrohet në pronësi të Komunës në mënyrë elektronike dhe fizike në sistemin e pasurisë në Ministrinë e Financave.

Duke u bazuar në gjendjen faktike, si dhe duke marrë për bazë informacionet në dispozicion lidhur me këtë konstatojmë se: nuk ka prova të mjaftueshme që e dëshmojnë situatën e konfliktit të interesit apo mos pajtueshmërisë në ushtrim të funksionit publik, për zyrtarin e lartë z. Bujar Cakolli, zëvendës Ministër i Ministrisë së Inovacionit dhe Ndërmarrësisë. Kjo duke marrë për bazë faktin se emërimi në bordin Ekzekutiv të Qendrës së Inovacionit dhe Ndërmarrësisë në Ferizaj është detyrë e deleguar si përfaqësues i Ministrisë së Inovacionit dhe Ndërmarrësisë i paraparë në Memorandumin e Mirëkuptimit, me nr.157, të datës 18.05.2018 të nënshkruar nga Ministri i Ministrisë së Inovacionit dhe Ndërmarrësisë dhe Kryetari i Komunës së Ferizajt.

Po ashtu lidhur me këtë angazhim i njëjti ka deklaruar se nuk ka pranuar asnjë lloj kompensimi, andaj emërimi në bordin Ekzekutiv të Qendrës së Inovacionit dhe Ndërmarrësisë në Ferizaj është detyrë e deleguar si përfaqësues (exofficio) i Ministrisë së Inovacionit dhe Ndërmarrësisë, dhe nuk është i ndaluar apo nuk ka ndonjë kufizim të paraparë me ligjin Nr.06/L-011, Për Parandalimin e Konfliktit të Interesit në Ushtrimin e Funksionit Publik, Prandaj u vendos si në dispozitiv të këtij vendimi.



II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI-së
- Z./znj. (zyrtari përgjegjës)

Drejtor i Agjencisë kundër Korrupsionit


/ Shaip Havolli /

